

四庫全書

集部

欽定四庫全書

五百家注昌黎文集卷三十二

宋 魏仲舉 編

碑誌銘

唐故司徒兼侍中中書令贈太尉許國公神道

碑銘

韓曰韓弘新史有傳多本碑詞傳間有誤處當以碑為正蓋淮西之役弘為行營都統公為行軍司馬其知弘非一日也

○今本止云許公神道碑銘

韓姬姓以國氏

任曰世本曰曲沃桓叔成師之子曰韓萬萬子求伯求伯子子與子與子厥遂

以韓為氏故云嚴曰唐韻云韓姓出自唐叔虞之後曲沃桓叔之子萬食邑於韓因以為氏代為晉卿後分晉

為國韓為秦滅後以國為氏出潁川後避王莽之亂居南陽

其先有自潁川徙陽夏

者

夏音賈

其地於今為陳之太康

祝曰秦滅韓以其地為潁川郡陽夏隋改為太

康太康之韓

補注新舊史皆言弘滑州匡城人

其稱蓋久然自公始大

著公諱弘公之父曰海為人魁偉沉塞以武勇游仕許

汴之間寡言自可不與人校

一作交

衆推以為鉅人長者

官至遊擊將軍贈太師娶鄉邑劉氏女生公

補注海二子弘充

是為齊國夫人夫人之兄曰司徒玄佐有功建中貞元

之間為宣武軍帥有汴宋毫潁四州之地

孫曰建中二年正月以宋

州刺史劉玄佐為汴宋毫潁節度使

兵士十萬人公少依舅氏讀書習騎

射事親孝謹侶侶自將

祝曰侶侶和樂貌三輔皇圖侶侶閭閻口旱切。一作侃侃

不縱為子弟華靡遨放事出入敬恭軍中皆目之嘗一

抵京師就明經試退曰此不足發名成業復去從舅氏

學將兵數百人悉識其材鄙怯勇指付必堪其事司徒

歎奇之士卒屬心

屬之欲切

諸老將自以為不及

將下一有皆字

司

徒卒

孫曰貞元六年三月玄佐卒

去為宋南城將

孫曰玄佐卒年四月以其子士寧代

為使九年十二月軍亂逐士寧以副使李萬榮為使弘出為宋州南城將

比六七歲汴軍連

亂不定

孫曰貞元十二年七月萬榮病其子迺自稱兵馬使軍亂逐迺以董晉為節度使十五年二月

晉卒以行軍司馬陸長源為使軍亂殺長源以宋州刺史劉逸淮為使

貞元十五年劉逸

淮死

孫曰九月逸淮卒

軍中皆曰此軍司徒所樹必擇其骨肉

而為士卒所慕賴者付之今見在人莫如韓甥且其功

最大而材又俊即柄授之而請命於天子天子以為然

遂自大理評事拜工部尚書代逸淮為宣武軍節度使

樊曰弘事逸淮為都知兵馬使逸淮死汴軍懷玄佐之
惠以弘長厚共請為留後環監軍請表其事朝廷許之
自試大理評事檢校工部尚書充
宣武軍節度副大使知節度事
悉有其舅司徒之兵

與地眾果大悅便之當此時陳許帥曲環死

韓曰貞元十五年八

月陳許節度曲環卒

而吳少誠反自將圍許求援於逸淮陷之以

陳歸汴使數輩在館公悉驅出斬之選卒三千人會諸

軍擊少誠許下

孫曰貞元十五年九月少誠圍許初少誠密與逸淮謀因曲環卒襲陳許會逸

淮卒其使數輩在傳舍弘喜獲節鉞即斬其人以聞立出軍三千助禁軍共討少誠敗之少誠失勢

以走河南無事公曰自吾舅歿五亂於汴者吾苗蔣而

髮櫛之幾盡

樊曰淮南子聖人之用兵也櫛髮藉苗所去者少而所利者多舊注藉除田草也

藉呼

然不揄刈

揄滅也與翦同。不下或有一字

不足令震駭

一作駭音駭祝

曰周禮鼓皆駭注疾雷擊鼓曰駭

命劉錡以其卒三百人待命于門數

之以數與於亂自以為功并斬之以徇血流波道

樊曰汴州

自士寧之後軍益驕恣又長源遇害頗輕主帥弘視事數月皆知其人有郎將劉錡者兇卒之魁也弘欲大振威望貞元十六年三月弘引短兵於牙門召錡與其黨三百數其罪斬之血流道中自是訖公之

朝京師二十一年莫敢有謹叟叫號於城郭者

祝曰謹詳也詩

以謹惜叟注惜叟猶謹謹也。謹音歡叟尼交切

李師古詐言起事

詐一作屯兵

于曹以嚇滑帥

赫虛
訶切

且告假道公使謂曰汝能越吾界

而為盜邪有以相待無為空言滑帥告急公使謂曰吾

在此公安無恐

一無
安字

或告曰翦棘夷道兵且至矣請備

之公曰兵來不除道也不為之應師古詐窮變索遷延

旋軍

孫曰貞元二十一年正月德宗崩順宗即位東平
師李師古發兵屯西境以脅滑州時告哀使未至諸

道義成刃將有自長安還得遺詔者節度李元索以師
古鄰道遣使密示之師古欲乘國喪侵啞鄰境乃集將

士謂曰聖上萬福而元素忽傳遺詔是反也遂杖元素
使者發兵屯曹州且告假道於汴及聞順宗即位乃罷

兵少誠以牛皮鞵材遺師古

鞵與鞋同
戶佳切

師古以鹽資少

誠潛過公界覺皆留輸之庫曰此於法不得以私相餽

田弘正之開魏博

孫曰元和七年十月以田弘正為魏博節度使

李師道

孫曰元和

元年閏六月東平帥李師古卒其弟師道代之

使來告曰我代與田氏約相保

援今弘正非其族又首變兩河事亦公之所惡我將與

成德合軍討之敢告公謂其使曰我不知利害知奉詔

行事耳若兵北過河我即以兵取曹師道懼不敢動弘

正以濟

一無濟字

誅吳元濟也命公都統諸軍

孫曰元和十年二月山南

東道節度嚴綬為賊所襲退守唐州汴州當兩河賊之衝要朝廷慮弘有異志欲以兵柄授之而令李光顏烏

重喬實當旗鼓九月以弘充淮西行營都統使曰無自行以遏北寇公請使子

公武以兵萬三千人會討蔡下

樊曰弘為都統實不離理所令其子公武率兵

三千隸光顏軍弘雖居統帥陰為逗逸之計每聞捷至輒不怡歸財與糧以濟諸軍卒

擒蔡姦於是以公為侍中而以公武為鄜坊丹延節度

使孫曰元和十二年十一月錄平淮西功加弘檢校司徒兼侍中封許國公罷都統公武檢校左散騎常侍

充節度使師道之誅公以兵東下進圍考城克之遂進迫曹

曹寇乞降

樊曰元濟既平弘懼元和十三年九月自將兵擊李師道圍曹州十四年正月拔考城殺

三千人鄆部既平公曰吾無事於此其朝京師天子曰大

臣不可以暑行其秋之待公曰君為仁臣為恭可矣遂

行既至獻馬三千匹絹七千匹

一作絹五千匹一作絹三千匹一作絹五十萬

他錦紈綺纈又三萬金銀器千

樊曰元和十四年二月李師道誅收復河

南十二州弘大懼因請入朝七月携汴之牙校千人入覲宴賜加等弘獻馬三千絹五千雜繒三萬金銀器千

而汴之庫廩錢以貫數者尚餘百萬絹亦合百餘萬匹

馬七千糧三百萬斛兵械多至不可數初公有汴承五

亂之後掠賞之餘且斂且給無宿儲至是公私充塞至

於露積不垣冊拜司徒兼中書令

孫曰弘三上章堅辭戎務願留京師奉朝

請八月守司徒兼中書令進見上殿拜跪給扶贊元老經體不治細

徵天子敬之元和十五年今天子即位公為冢宰

韓曰元和十五年

十五年正月穆宗即位以弘攝冢宰

又除河中節度使

韓曰元和十五年六月以本官為河

中尹河中晉絳節度觀察等使

在鎮三年以疾乞歸復拜司徒中書令

韓曰長慶三年請罷戎鎮三表從之十月依前守司徒兼中書令

病不能朝以長慶二

年十二月三日薨於永崇里第年八十

補注新舊史皆云年五十八

罷朝三日贈太尉賜之布粟

韓曰弘卒購絹二千疋布七百端米粟千石

其

塋物有司官給之京兆尹監護明年七月某日塋於萬

年縣少陵原京城東南三十里楚國夫人翟氏祔子男

二人長曰肅元某官次曰公武某官肅元早歿公之將

薨公武暴病先卒

孫曰是歲閏十月公武卒

公哀傷之月餘遂薨無

子以公武子孫紹宗為主後汴之南則蔡北則鄆二寇

患公居間為已不利卑身佞辭

一作卑

求與公好薦女請

昏使日月既至不可得則飛謀釣誘

一作釣

以間染我

一作染

作謀

公先事候情壞其機刃姦不得發王誅以成最功定

次孰與高下公子公武與公一時俱授弓鉞處藩為將

疆土相望公武以母憂去鎮公母弟充自金吾代將渭

北

孫曰元和十二年十一月以公武為渭北鄜坊節度使十四年十一月以母憂去官十五年正月以弘弟

充代公武

鎮渭北公以司徒中書令治蒲于時弟充自鄭滑節

度

一有使字

平宣武之亂以司空居汴

樊曰長慶二年七月汴州逐節度李愿立

牙將李界為留後充自義成節度徙鎮宣武八月汴州監軍斬界降充入汴州詔加充檢校司空

自唐

以來莫與為比公之為治嚴不為煩止除害本不多教

條與人必信吏得其職賦入無所漏失人安樂之在所

以富公與人有軫域

軫一作畛

不為戲狎人得一笑語重於金

帛之賜其罪殺人不發聲色問法何如不自為輕重故無敢犯者其銘曰

在貞元世汴兵五獠

祝曰獠狂犬也自劉玄佐死汴州五亂。獠居例切

將得其

人衆乃一愒

祝曰愒息也與憩同詩不尚愒焉。愒丘例切

其人為誰韓姓許

公磔其梟狼

磔陟格切

養以雨風桑穀奮張厥壤大豐貞元元

孫

韓曰貞元皇帝之孫憲宗

命王我宇公為臣宗處得地所

一作處處得所

河流兩壩

祝曰壩江河邊地前漢坐侵廟壩為宮。壩而緣切

盜連為羣雄唱雌

和首尾一身公居其間為帝督姦察其嘖呻與其睨眴

祝曰眊眊也又目動貌淮南子視焉
無眊孫曰邪視也○眊音詣眊音荀
左顧失視右顧

而跽巨几切蔡先鄆鉏三年而墟槁乾四呼終莫敢濡常

山幽都補注常山成德軍幽都幽州也孰陪孰扶陪一作信一作悖天施不畱

施一作地其討不逋許公預焉其賚何如悠悠四方既廣既

長無有外事朝廷之治許公來朝車馬干戈相乎將乎

補注言官兼將相也威儀之多將則是矣相則三公釋師十萬歸

居廟堂上之宅憂補注上謂穆宗公讓太宰養安蒲坂孫曰元和十五

年六月出萬邦絕等有弟有子提兵守藩一時三侯人鎮河中

莫敢扳

祝曰扳引也春秋傳扳引而立之與攀同又音班

生莫與榮歿莫與令

刻文此碑以鴻厥慶

補注鴻大也

柳子厚墓誌銘

韓曰公元和十五年九月二十一日始自袁州召還此誌作於袁州公之誌子厚詳矣其祭文推許尤厚劉夢得祭子厚文曰退之承命改牧宜陽勒石垂後屬于伊人其後序其集曰子厚之喪昌黎韓退之誌其墓且以書來弔曰哀哉若人之不淑吾嘗評其文雄深雅健似司馬子長崔蔡不足多也安定皇甫湜於文章少推許亦以退之之言為然凡子厚之名氏與仕與年暨行已之大方有退之之誌若祭文在夢得與子厚俱以文推及誌其墓夢得則屬於公而不

敢當公之文在當時
為齊輩所服如此

子厚諱宗元七世祖慶

孫曰慶字更興河東解人

為拓跋魏侍中封

濟陰公

孫曰慶任周為宜州刺史封平齊縣公

曾伯祖奭

奭曰慶子則則子奭字子燕

為唐宰相與褚遂良韓瑗俱得罪武后死高宗時

孫曰永徽

二年正月以奭同中書門下三品五年六月罷相賤象州刺史為許敬宗等所搆就州殺之。高一作中

皇考諱鎮

韓曰則弟旦字匡德周中書侍郎旦子楷濟房蘭廊四州刺史楷子子夏徐州長史子夏

子從裕滄州清池令從裕子察躬湖州德清令察躬子鎮

以事母棄太常博士求為

縣令江南

孫曰鎮丁母憂服除吏部命為太常博士鎮曰有尊老孤弱在吳願為宣城令從之其

後以不能媚權貴失御史

樊曰肅宗平賊鎮上書言事擢左衛率府兵曹佐郭子儀

朔方府三邊殿中侍御史以事觸竇叅貶蘆州司馬

權貴人死乃復拜侍御史號

為剛直所游皆當世名人

樊曰宗元作先友記鎮所厚者六十六人且曰先君之所

與友凡天下之善士舉集焉

子厚少精敏無不通達逮其父時雖少

年已自成人能取進士第

樊曰貞元九年登第年二十一德宗問曰得無以朝士子

冒進者乎有司以聞上曰是故抗姦臣實參者邪吾知其不為子求舉矣

嶄然見頭角

祝曰選嶄

絕峯殊狀注險峻貌楚辭何山之嶄岩注石高貌。嶄士咸切又士減切

衆謂柳氏有子

矣其後以博學宏詞授校書郎

孫曰貞元十四年中此科以將士郎守集賢殿

正字 藍田尉雋傑廉悍議論證據古今出入經史百子踔

厲風發

韓曰前漢非有踔絕之能注高遠也。踔教角切。

率常屈其座人名聲

大振一時皆慕與之交諸公要人爭欲令出我門下交

口薦譽之貞元十九年拜監察御史

孫曰為監察御史裏行

王叔

文章執誼用事拜尚書禮部員外郎

祝曰順宗即位叔文執誼用事尤奇

待宗元與呂溫引納禁近與計事擢禮部員外郎

且將大用遇叔文等敗例出

為刺史未至又例貶永州司馬

樊曰永貞元年八月憲宗即位貶叔文渝州司

戶參軍九月宗元與同輩七人皆坐王叔文黨同貶宗元邵州刺史十一月道貶永州司馬

居閒益

自刻苦務記覽為詞章汎濫停蓄為深博無涯涘

祝曰宗元

既罹竄逐涉履蠻瘴崎嶇埋厄蘊騷人之鬱悼寫情叙事動必以文為騷文十數篇覽者為之悽惻

而自

肆於山林之間元和

補注元和九年冬

嘗例召至京師又偕

出為刺史而子厚得柳州

樊曰元和十年三月以永州司馬柳宗元為柳州刺史

既至歎曰是豈不足為政耶因其土俗為設教禁州人

順賴其俗以男女質錢約不時贖子本相侔則沒為奴

婢

則下一有許字

子厚與設方計悉令贖歸其尤貧力不能者

令書其傭足相當則使歸其質觀察使下其法於他州

此一歲免而歸者且千人衡湘以南為進士者皆以子

厚為師其經承子厚口講指畫為文詞者悉有法度可

觀

補注東坡至廣州寄二子詩云莫學柳儀曹詩書教蠻獠事本於此

其召至京師而復

為刺史也中山劉夢得禹錫亦在遣中當詣播州子厚

泣曰播州非人所居而夢得親在堂吾不忍夢得之窮

無辭以白其大人且萬無母子俱往理請於朝將拜疏

願以柳易播雖重得罪不恨遇有以夢得事白上者夢

得於是改刺連州

樊曰叔文之黨坐謫官者凡十年不量移至是執政有憐其才者欲漸進

之悉召至京師諫官言不可上與宰相武元衡亦惡之
悉以為遠州刺史宗元得柳州禹錫得播州詔下宗元
謂所親曰禹錫有母年高今為郡蠻方西南絕域往返
萬里如何與母偕行如母子異方便為永訣吾與為執
友胡忍見其若是即草奏願以柳易播會御史中丞裴
度亦奏曰禹錫誠有罪然母老其子為死別良可傷上
曰為人子尤當自謹勿貽親憂此重可責度曰陛下
侍太后不宜有此言上良久曰朕所責人子者耳然不
欲傷其親心謂左右曰度愛
我終切明日改禹錫連州

嗚呼士窮乃見節義今夫

平居里巷相慕悅酒食遊戲相徵逐詡詡強笑語

韓曰
詡詡

人語也以相取下握手出肺肝相示指天日涕泣誓生

死不相背負真若可信一旦臨小利害僅如毛髮比反

眼若不相識落陷牢不一引手救反擠之又下石焉者
皆是也此宜禽獸無知所不忍為而其人自視以為得
計聞子厚之風亦可少愧矣子厚前時少年勇於為人不
自貴重顧藉謂功業可立就故坐廢退既退又無相知
有氣力得位者推挽故卒厄於窮裔邊也音曳材不為世用
一有道不行於時也使子厚在臺省時自持其身已能
如司馬刺史時亦自不斥斥時有人力能舉之能一作解且
必復用不窮然子厚斥不久窮不極雖有出於人其文

學辭章

一作意

必不能自以力傳於後

力字下一有必致二字一作致必二字

如今無疑也雖使子厚得所願為將相於一時以彼易

此孰得孰失必有能辨之者子厚以元和十四年十月

五日卒年四十七以五十年秋七月十日歸葬萬年先

人墓側子厚有子男二人長曰周六始四歲季曰周七

子厚卒乃生

任曰咸通四年右常侍蕭倣知舉試謀光賦澄心如水詩中第者二十五人柳告第

三人韓綰第八人告即子厚之子字用益綰即退之之孫

女子三人皆幼其得歸葬

也費皆出觀察使

費一作資

河東裴君行立

孫曰元和十二年行立為桂管

觀察使

行立有節槩重然諾與子厚結交子厚亦為之盡
竟賴其力塋子厚於萬年之墓者舅弟盧遵遵涿人性
謹順學問不厭自子厚之斥遵從而家逮其死不去既
往塋子厚又將經紀其家庶幾有始終者終下一銘曰
是惟子厚之室既固既安以利其嗣人

唐故昭武校尉守左金吾衛將軍李公墓誌銘

韓曰李道古曹成王舉之子新史附舉傳後道古巧于官便佞傾下遊公卿間嘗與博奕為不勝厚進所償嗜利者多得其歡心故少盜美名詳見於傳而誌皆略之祭統曰銘之義稱美而

不稱惡此墓誌銘也所以有褒無貶

公諱道古字某曹成王子

孫曰成王三子象古道古復古公嘗銘曹成王臯碑其

先王明以大宗子王曹絕輒復封五世而至成王王諱臯

有功建中貞元間以多才能能行賞誅為名至今追數

當時

數所矩切

内外文武大臣成王必在其間公以進士舉

及第

補注貞元五年登第

獻文與三十卷拜校書郎集賢學士四

遷至宗正丞憲宗即位選擢宗室遷尚書司門員外郎

以選為利隨唐睦州刺史遷少宗正

宗一作室非

元和九年

以御史中丞持節鎮黔中

孫曰貞元八年十月自宗正少卿出為黔中觀察使

十

一年來朝遷鎮鄂州

樊曰貞元十一年鄂岳觀察使柳公綽為飛譖上聞會道古自黔中

來朝即以爲鄂岳沔安黃團練觀察使代公綽道古倍道入其營公綽惶懼出財資皆被奪以鄂岳

道兵會平淮西

樊曰貞元十二年二月道古攻中州破其郛進圍中城守卒夜駢女子登而譟

發懸以出道古衆亂多死於賊李聽守安州未嘗敗道古誣逐之又以度支錢饋權倖故賜不給其下怨怒戰

不甚力雖再入申不能下以功加御史大夫十三年徵拜宗正轉左

金吾

轉一作

上即位以先朝嘗信妄人柳賁

賁一作

能燒

水銀為不死藥薦之賁以故起閭閻氓為刺史不效賤

循州司馬

樊曰憲宗晚好神仙詔求方士道古在鄂岳以貪暴聞恐獲罪乃求自媚貞元十三年因

皇甫鏗薦山入柳泌云能合長生藥十月詔泌居興唐觀煉藥十一月以泌權知台州刺史憲宗餽其藥不效

十五年正月帝崩杖殺柳泌

其年九月三日以疾卒于

貶所

樊曰道古終服丹歐血死

以年五十三長慶元年詔曰左降而

死者還其官以葬

韓曰長慶元年正月穆宗祀圓丘赦天下

遂以其年九月

一日葬於東都某縣

一本無其年九月一日葬七字

公三娶元配韋氏

諱修修生子紘紘為進士舉

一作學

女貢嫁崔氏夫人隋雍

州牧勛公

勛音云

叔裕五世孫

祝曰叔裕字孝寬京北杜陵人周大象二年十一月

卒贈雍州牧

父士佺

且緣切

蓬山令次配崔氏諱葑

祝曰白芷其葉謂之

葑○葑乙角切又音約

生綽紹綰女會嫁鄭氏季毗夫人父昭嘗

為京兆尹

孫曰大歷三年五月昭自左散騎常侍為尹

今夫人韋氏無子父

光憲光祿卿其塋用古今禮以元配韋氏夫人祔而塋

次配崔氏夫人於其域異墓公宗室子而貴富能學問

以中科取名善自傾下以交豪傑身死賣宅以塋銘曰

太支於今

補注太支一作本支非太謂太宗也見曹成王誌

其尚有封

尚一作上當

公弟兄未續又亡其遷于南年及始衰雖黜不復

雖一作誰

而以喪歸海豐瀾瀾萬里于畿

祝曰言自循州歸壘京都

載其始終

以哀表之

唐故朝散大夫尚書庫部郎中鄭君墓誌銘

韓曰公在江陵與鄭羣同官詩有鄭羣贈簞即其人至是銘之

公諱羣字弘之世為滎陽人其祖於元魏時有假封襄

城公者

樊曰鄭偉字子直西魏大統中封襄城郡公

子孫因稱以自別君其

後也

一無上四字

曾祖匡時晉州霍邑令祖千尋彭州九隴

丞父迪鄂州唐年令娶河南獨孤氏女生二子君其季

也一有以進士

樊曰貞元四年
羣登進士第

選吏部考功所試判為

上等

補注試判
謂試書判

授正字自鄂縣尉

祝曰鄂縣
屬京兆府

拜監察御

史佐鄂岳使裴均

祝曰均字君齊
河東聞喜人

均之為江陵

孫曰貞
元十九

年五月均自荆南行軍
司馬為本軍節度使

以殿中侍御史佐其軍

樊曰公
時亦為

江陵法曹
與羣同官均之徵也

孫曰元和三年四月召均為
尚書左僕射之一作戶

遷虞

部員外郎均鎮襄陽

孫曰九月加均同平章
事為山南東道節度使

復以君為

襄府左司馬刑部員外郎副其支度使事

補注為支
度副使

均

卒李夷簡代之

孫曰元和六年四月以夷
簡代均鎮襄陽五月均卒

因以故職留

君歲餘拜復州刺史方遷祠部郎中會衢州無刺史選
人願行者宰相即以君應詔治衢五年復入為庫部郎
中行及揚州遇疾月餘以長慶元年八月二十四日卒
春秋六十即以其年十一月二十二日從葬於鄭州廣
武原先人之墓次君天性和樂居家事人與待交遊初
持一心未嘗變節有所緩急置薄厚疎數也數音朔不為
翁翁熱補注詩翁翁訛訛世說謝安在東山兄弟已有
富貴者集翁翁家門傾動人物此謂權門有炙手
可熱之勢而羣不為也○熱一作然亦不為崖岸斬絕之行俸祿入門與

其所過逢吹笙彈箏飲酒舞歌詼調醉呼詼音恢連日夜

不厭費盡不顧問

一無上五字一云盡費不復顧問

或分挈以去一無

所愛惜不為後日毫髮計留也過其空無時客至清坐

相看

一作對

竟日不能設食客主各自引退亦不為辭謝

與之遊者自少及老未嘗見其言色有若憂歎者豈列

禦寇莊周等所謂近於道者耶其治官守身又極謹慎

不挂於過差去官而人民思之身死而親故無所怨議

哭之皆哀又可尚也初娶吏部侍郎京兆韋肇女

韓曰肇京

北人大厯中為中書舍人累上疏言得失為元

生二女

載所惡左遷京兆少尹

載卒除吏部侍郎卒

一男長女嫁京兆韋詞

孫曰詞字致用。詞一作嗣宗非。

後娶河南少尹趙郡李則女生一女二男

贊子管切。一本作讚。

其餘男二人女一人

一作或四

皆幼嗣子退思韋氏生也銘

曰

再鳴以文進塗闕

孫曰再鳴謂進士及書判拔萃也

佐三府治藹厥蹟

補注三府謂鄂岳江陵襄府。蹟音迹

郎官郡守愈著白洞然渾樸絕瑕

謫渾胡本切。樸一作璞。

甲子一終反玄宅

韓曰甲子一終即誌所謂春秋六十是也

唐故朝散大夫越州刺史薛公墓誌銘

韓曰薛戎元稹作神道碑而公誌其墓

公諱戎字元夫

補注河中寶鼎人

其上祖懿為晉安西將軍寶

始居河東

樊曰懿避寇汾陰

公之四世祖嗣汾陰公

樊曰汾陰河中縣也

開元十年獲寶鼎改名寶鼎縣

諱德儒為隋襄城郡書佐以卒

祝曰德儒父道

實隋禮部尚書

襄城有子二人皆貴

孫曰德儒二子實積實肩實積揚州大都督府長史

實允邠州刺史樊曰德儒隋濟北司馬生二子實積潤州刺史實肩少府少監

其後皆蕃以大

而其季尤盛官至邠州刺史邠州諱寶肩有子九人皆

有名位

樊曰寶允子九人續純絢絢繪絃絳純秦州刺史縉和州刺史縉

金部員外郎見世系表

其最季諱謙

作謙誤當作縉

為河南令

以卒

孫曰贈給事中

河南有子四人其長諱同卒官湖州長史

贈刑部尚書尚書娶吳郡陸景融女有子五人

補注五子人丹

戎放

皆有名蹟其達者四人

樊曰人溫州刺史丹廬州刺史戎浙東觀察使放江

西觀

察使公於倫次為中子仁孝慈愛忠厚而好學不應徵

舉沉浮閭巷間不以事自累為貴

孫曰戎少有學術不求聞達居於毗陵之

陽羨山年四十餘不易其操陽羨即常州

常州刺史李衡遷江西觀察使日

一無
日字
曰州客至多莫賢元夫吾得與之俱足矣即署公

府中職公不辭讓

韓曰李衡為常州刺史能以禮下戎貞元八年二月衡自湖南移鎮江西

辟為從事使者三返乃應

年四十餘始脫褐衣為吏衡遷給事中齊

映自桂州

桂一作睦

以故相代衡為江西

故一作宰

公因留佐映

治

孫曰貞元八年六月以桂管觀察使故相齊映代衡鎮江西召衡為給事中映表戎留之

映卒

孫曰

貞元十一年七月映卒戎復歸陽羨

湖南使李巽福建使柳冕交表奏公

自佐詔以公與冕

孫曰貞元十一年三月以柳冕為福建觀察使表戎為判官

在冕

府累遷殿中侍御史

遷下一有至字

冕使公攝泉州冕文書所

條下有不可者公輒正之冕惡其異於已懷之未發也

祝曰戎攝泉州刺史時貞元中寵重方鎮方鎮喜自用不用朝廷法戎在郡遵朝廷令不從冕所自用者冕

惡之遇馬摠以鄭滑府佐忤中貴人貶為泉州別駕冕意

欲除摠附上意為事使公按置其罪公歎曰公乃以是

待我我始不願仕者正為此耳不許冕遂大怒囚公於

浮屠寺而致摠獄事聞遠近值冕亦病且死不得已俱

釋之孫曰馬摠佐鄭滑府監軍薛盈珍欲奪節度使姚南仲政南仲不從由是有隙摠以南仲道直盈珍

怒誣奏摠貶泉州別駕冕欲除摠以附盈珍使戎按置其罪戎曰以是待我耶我始不願仕正謂此爾不肯從

還白其事晁怒據按引戎入戎叱引者曰見賓客乃爾
乎由東廂進晁度未可屈揖而去置戎於佛寺環兵脅
辱之累月戎終不屈淮南節度杜佑聞之以
書責晁會晁病戎遂得脫辭職自放江湖間
晁死後使
至奏公自副樊曰晁卒閻濟美代晁使福建
又副使事

於浙東府

樊曰濟美使浙東戎又副之

轉侍御史元和四年徵拜尚

書刑部員外郎

樊曰給事中穆質有直氣愛戎稱於朝因拜刑部員外郎

遷河南令

樊曰吐突承璀討鎮州所過吏迎迓畏不及治道前駟
惟戎境內按故無所治迺留守卒犯令者縛置獄留守

怒遣將略

歷衢湖常三州刺史

孫曰遷衢州刺史初到視前刺史所為皆便俗

戎忻然無所改不周月而政就移刺湖州其最患人
者荻塘河水渚淤逼塞不能負舟戎濟之百餘里
所

至以廉貞寬大為稱朝廷嘉之元和十二年正月二十

二日拜越州刺史兼御史中丞浙東觀察使至則悉除

去煩弊

樊曰正月以戎帥浙東所部州觸酒禁者罪當死楠未貢先驚者死戎弛其禁

儉出薄

入以致和富部刺史得自為治

補注部刺史謂部中刺史

無所牽制

四境之內竟歲無一事公篤於恩義盡用其祿以周親舊之急有餘頒施之內外親無踈遠皆家歸之疾病去

官長慶元年九月庚申至於蘇州以病卒春秋七十五

孫曰天寶六年

奏至天子為之罷朝贈左散騎常侍使臨弔祭

之士大夫多相弔者

大夫一作人字

以其年

其一作明

十一月庚申

葬于河南偃師先人之兆次以韋氏夫人祔公儿再娶

先夫人京兆韋氏後夫人趙郡李氏皆先卒子男二人

曰沂曰洽長生九歲而幼七歲矣女四人皆已嫁愈既

與公諸昆弟善又嘗代公令河南

樊曰公嘗令河南與薛為代

公之

葬也故公弟集賢殿學士尚書刑部侍郎放

樊曰放字達夫貞元

七年登第戎死時為尚書刑部侍郎後終江西觀察○刑部一作兵部

屬余以銘其文曰

薛氏近世莫盛公門公倫五人咸有顯聞公之初志不

累以事僂俛以隨亦貴於位無怨無惡中以自貴不能
百年曷足謂壽公宜有後有二稚子其祐成之公食廟
祀

五百家注昌黎文集卷三十二

欽定四庫全書

五百家注昌黎文集卷三十三

宋 魏仲舉 編

墓誌銘

楚國夫人墓誌銘

韓曰夫人許國公韓弘妻也夫人之葬公武尚
執喪不變許國亦以是年十二月薨則公武已
先死矣許國
之誌詳焉

楚國夫人姓翟氏故檢校御史大夫宋州刺史良佐之

女今司徒

一無今字

兼中書令許國公之妻

樊曰許國公韓弘也

前廊

州節度使散騎常侍兼御史大夫公武之母夫人在家

以孝友聰明為父母所偏愛選所宜歸以適韓氏韓氏

族大且貴父太尉劉公之甥

孫曰劉玄佐之甥一本父作又

內外尊

顯夫人入門上下莫不贊賀事皇姑齊國太夫人

祝曰太夫人

人弘母劉氏也玄佐之妹

肅恭誠至奉養不怠皇姑以夫人能盡婦

道稱之六親其事夫義以順其教子愛以公司徒公曰

我之能守貴富不危溢者楚國有助焉耳大夫領梁偏

師卒就蔡功受節居藩為邦家令人父母之教然也

孫曰

元和十年九月以宣武軍節度使韓弘為淮西行營都統弘遣其子公武領宣武兵萬三千人會李光顏討蔡十二年冬蔡州平十一月以公武為鄜坊丹延節度使夫人以元和十四年十一月

一日薨于鄜之公府春秋若干大夫委節去位奉喪以

居東都詔再起之辭以羸毀不任即命又加諭勉固守

不變天子嗟歎之

孫曰公武執喪不變元和十五年正月以弘弟充代公武為節度使長

慶二年三月某日葬夫人于洛陽北山夫人生二子長

曰肅元為太子司議郎以卒贈尚書主客郎中其次大

夫公武也銘曰

翟氏之先蓋出宗周

韓曰元和姓纂云程黃帝之後代居翟地後為晉所滅

璜顯

於魏以佐文侯

韓曰史記魏文侯謂李克曰家貧則思良妻國亂則思良相今所置非魏成則

翟璜卒以成為相翟璜佐魏文侯所進者西河之守西門豹樂羊李克屈侯鮒等五人文侯皆臣之

高陵

相漢

樊曰成帝永始二年十一月以翟方進為丞相封高陵侯綏和二年二月罷

義以家酬

韓曰王莽居攝元年九月方進子東郡太守義舉兵誅莽凡二月兵敗死莽發方進及先祖冢在汝南者焚棺

夷三族誅及種嗣

遷于南陽始自郎苗逮魏晉宋代不絕史以

至夫人太守之子司徒之妻大夫之母公居河東

孫曰河東

言汴河也弘在宣武凡二十一年元和十四年秋自宣武入朝願留京師八月拜司徒兼中書令其冬妻翟氏卒於鄜州。
公一作父子在鄜時孫曰鄜坊丹延節度治鄜州史記秦文公夢黃蛇自天下屬地其口止於鄜衍文公問史敦敦曰此上帝之徵君其祠之於是作鄜時祭白帝今之鄜州蓋取名於此為

王屏翰有壤千里公曰姑止以承我祀子曰母兮莫我撫已文馬雕軒往來有煒莫尊於母莫榮於妻從古迄

今孰盛與夷祝曰夷等也用昭厥裔篆此銘詩

唐故國子司業竇公墓誌銘

韓曰公嘗有送竇平從事序云其族入殿中侍御史年合東都之交遊能文者賦詩以贈之必

此司業公也惟序稱殿中侍御史而誌不載若
可疑焉然誌言兩佐東都留守則序所謂合東

都之交遊即
謂司業明矣

國子司業竇公諱牟字某

程曰字貽周京兆金城人

六代祖敬遠嘗

封西河公

一有至公三字

大父同昌司馬比四世

一作

仍襲

爵名

樊曰敬遠孫善衡左衛將軍善衡子懷重洪州都督懷重子肩同昌郡司馬皆襲封西河公同昌郡

扶同昌諱肩生皇考諱叔向官至左拾遺溧水令

樊曰叔向

字遺直以詩自名與常袞善大歷十二年四月袞平章
事用叔向為左拾遺內供奉十四年閏五月袞貶河南
少尹叔向出為溧
水令。溧音粟 贈工部尚書於大歷初名能為詩文

及公為文亦最長於詩

樊曰叔向五子常牟羣庠鞏皆工詞章為聯珠集行於時義取

昆弟若五星然羣新史有傳年等附焉

孝愛謹厚

一作孝謹厚重

舉進士登第

曰

貞元二年進士

佐六府五公八遷至檢校郎中

檢校下一有虞部二字

元

和五年真拜尚書虞部郎中轉洛陽令都官郎中澤州

刺史以至司業年七十四

補注年生於天寶八年

長慶二年二月

丙寅以疾卒其年八月某日塋河南偃師光公尚書之

兆次

任曰周禮冢人掌公墓之地辨其兆域兆塋域也

初公善事繼母家居未

出學問於江東尚幼也名聲詞章行于京師人遲其至

遲音

及公就進士且試其輩皆曰莫先實生于時公舅

袁高為給事中

李曰高字公願滄州東光人曾祖恕已南陽郡王恕已子建康淮陽太守建康

子高貞元初為給事中

方有重名愛且賢公然實未嘗有以干有

司公一舉成名而東遇其黨必曰非我之才維吾舅之

私其佐昭義軍也遇其將死

孫曰貞元二十年六月昭義軍節度使李長榮卒

公權代領以定其危後將盧從史

孫曰貞元二十年八月以昭義兵馬使盧

從史為節度使

重公不遣奏進官職公視從史益驕不遜偽疾

經年舉歸東都

祝曰舉拜車也呂氏春秋下舉命封夏后之後於杞前漢皇后舉駕○舉字音

預從史卒敗死

孫曰元和五年六月從史為其都知兵馬使烏重喬所縛送京師貶驩州司馬

卒公不以覺微避去為賢告人公始佐崔大夫縱留守

東都

樊曰貞元二年九月以吏部侍郎崔縱為東都留守奏年為府巡官

後佐留守司徒

餘慶

樊曰元和五年六月以河南尹鄭餘慶為東都留守奏年為府判官

歷六府五公

年初為東都留守巡官歷河陽昭義從事再為留守判官

文武細麤不同自始及終

於公無所悔望有彼此言

一有者字

六府從事幾且百人有

愿姦易險賢不肖不同公一接以和與信卒莫與公有怨

嫌者其為郎官令守慎法寬惠不刻教誨於國學也嚴

以有禮扶善過過

過一作蓋

益明上下之分以躬先之恂恂

愷悌得師之道公一兄三弟常羣庠鞏

音拱

常進士

補注常字

中行大歷十四年進士

水部員外郎朗蔓江撫四州刺史羣以處

士徵

孫曰羣字丹列以處士隱居毗陵貞元十六年十月吏部侍郎韋夏卿為京兆尹薦羣徵拜左拾遺

自吏部郎中拜御史中丞

樊曰元和二年正月以武元衡同平章事舉羣代已為御

史中出帥黔容以卒

孫曰元和三年十月貶黔中觀察使八年四月遷容管經略使九年

召還至

庠三佐大府

樊曰庠字胄卿貞元二十一年五月韓臯出鎮武昌奏庠為推官元

和三年二月臯移鎮浙西以庠為副使又為宣歙副使

自奉先令為登州刺史鞏

亦進士

韓曰鞏字友封元和二年登第

以御史佐淄青府

孫曰元和十四年三月以

薛平為平盧淄青節度使表鞏自副

皆有才名公子三人長曰周餘好善

學文

一作好學善文

能謹謹致孝述父之志曲而不黷次曰某

少曰某皆以進士貢女子三人愈少公十九歲

補注公大歷三

年生至是年五十五故云少公十九歲少或作以非

以童子得見於今四十年始

以師視公

祝一作事

而終以兄事焉公待我一以朋友不以

幼壯先後致異公可謂篤厚文行君子矣其銘曰

后緡竇逃閔腹子

祝曰哀元年左氏昔有過流滅夏后相后緡方孕逃出自竇歸于有仍

夏以再家竇為氏

祝曰后緡生少康克復舊物少康二子曰杼曰龍龍留居有仍遂為竇氏

聖愕旋河犢引比

樊曰龍六十九世孫為鳴犢史記云孔子不得用於衛將西見趙簡子至

于河聞實鳴犢舜華之死臨河而嘆曰美哉水洋洋乎

丘之不濟此命也夫鳴犢舜華晉國之賢大夫也簡子

未得志之時須此兩人而後從政及其已得志殺之丘

聞之也刳胎殺夭則麒麟不至竭澤而漁則蛟龍不游

鳥獸之於不義尚知辟之而況丘哉旋河謂

至河而旋也引比引以為比○犢作犢非

相嬰撥漢

納孔軌 樊曰鳴犢七世孫世世子嬰字王孫家觀津漢武帝建元六年六月為丞相軌法也言撥去亂

政納之於法韓曰竇太后從兄子嬰相武帝太后好黃

老而嬰務隆推儒術貶道家言此云撥漢納孔軌蓋謂

嬰撥漢家黃老之習而納之孔子之道左氏所謂納於

軌物前漢叙傳所謂伏周孔之軌躅也○撥一作發

作後去觀津

觀音

而家平陵

韓曰世弟扈扈子充徙居清河充子廣國字少君孝

文皇后之弟廣國子誼誼子賞宣

遥遥厥緒

樊曰何昌寓為吏部

帝時以吏二千石徙扶風平陵

有姓閔者求官自曰子騫後昌

寓笑曰遥遥華胃遥遥字出此

夫子是承我敬其人我

懷其德作詩孔哀質于幽刻一作石

唐故正議大夫尚書左丞孔公墓誌銘

補注孔殘新

舊史皆有傳

孔子之後三十八世有孫曰殘

孫曰孔子後三十五世曰務本為東光令務本

子如珪海州司戶如珪子岑父著作佐郎巢父給事中岑父五子載戡戡戡戡

字君嚴事唐為

尚書左丞

孫曰長慶二年以
殘為尚書左丞

年七十三上書去官

孫曰

長慶三年殘

天子以為禮部尚書祿之終身而不敢煩

累表請老

以政

樊曰詔殘以禮部尚書致仕優詔褒美
仍令所司歲致羊酒如漢禮徵士故事

吏部侍郎

韓愈常賢其能謂曰公尚壯上三留奚去之果曰吾敢

要吾君年至

一本無
至字

一宜去

洪曰蓋取龔勝邠漢俱乞骸
骨詔曰古者有司年至則致

事今大夫年至矣補注禮大夫七十而致仕
或作宜去無一字

吾為左丞不能進退

郎官

一作中

唯相之為二宜去愈又曰古之老於鄉者將

自佚非自苦閭井田宅具在親戚之不仕與倦而歸者

不在東阡在北陌

補注曰南北曰阡東西曰陌

可杖屨來往也今異

於是公誰與居且公雖貴而無留資何恃而歸曰吾負

二宜去尚奚顧子言愈面歎曰公於是乎賢遠於人明

日奏疏曰臣與孔戣同在南省數與相見

數音朔數與下本有孔戣

二戣為人守節清苦議論正平年纔七十筋力耳目未

覺衰老憂國忘家用意至到如戣輩在朝不過三數人

陛下不宜苟順其求不留自助也不報明年長慶四年

正月己未公年七十四告薨於家贈兵部尚書公始以

進士

補注建中元年
年殘第進士

佐三府

孫曰貞元十六年四月以鄭滑節度行軍司馬盧羣為本

軍節度使表殘為判官九月羣卒總攝留務監軍揚志謀雅自肆衆皆恐殘邀志謀至府與對榻卧起示不疑

志謀嚴憚不敢動

官至殿中侍御史元和元年以大理正徵累

遷江州刺史諫議大夫事有害於正者無所不言

樊曰殘為

諫議時中人劉希光受賕二十萬緡抵死吐哭承瓘坐厚善逐為淮南監軍太子舍人李涉知憲宗意投匭上言承瓘有功不可棄殘劾奏涉結近幸營罔上聽有詔斥涉峽州司馬

加皇太子侍讀

孫曰

元和六年十月以殘為皇太子諸王侍讀

改給事中言京兆尹阿縱罪人詔

奪京兆尹三月之俸

韓曰殘為給事中江西觀察使李少和坐贓獄寢不下博陵崔易簡殺從

父兄鞠狀具京兆尹左右三翻其情殘慷慨論正
貶少和殺易簡奪尹三月俸一本無此句尹字

權知

尚書右丞明年拜左丞

一無上三字

改華州刺史

孫曰元和九年六月

以殘為刺史潼關防禦鎮國軍使

明年歲貢海蟲淡菜蛤蚶

祝曰蛤蚶蛤也說文

蜃屬有三皆生於海千歲化為蛤秦謂之牡厲一曰百歲燕所化魁蛤一名復累老服翼所化蚶蚌屬爾雅曰魁陸本草云狀如海蛤員而厚外橫從其理五味自充庖作羞○蛤音閭蚶呼甘切可食之屬無

可食二字

自海抵京師道路水陸遞夫積功歲為四十三萬

六千人奏疏罷之下邳令笞外按小兒

邳音圭外按一作按外繫

御史獄公上疏理之詔釋下邳令而以華州刺史為大

理卿

孫曰元和十年二月以李絳代戡為華州以戡為大理卿○而以一作而自又作行自一無刺史二

字

十二年自國子祭酒拜御史大夫嶺南節度等使

樊曰

元和十二年七月嶺南節度使崔詠卒帝謂裴度曰嘗論罷蚶萊者誰歟今安在是可為朕求之度以戡對庚

戡以戡為

約以取足

任曰戡剛正清儉請刺史俸料之外絕其取素

境內諸州

負錢至二百萬悉放不收

韓曰戡既至免屬州逋負十萬緡米八萬斛黃金稅歲

八百

蕃舶之至泊步有下碇之稅

韓曰步水岸渡處碇錘舟石與碇同○碇

丁定切

始至有閱貨之燕犀珠磊落賄及僕隸賄一作財公皆

罷之絕海之商有死于吾地者官藏其貨滿三月無妻

子之請者盡沒有之

或無有字

公曰海道以年計往復何日

月之拘苟有驗者悉推與之無筭遠近厚守宰俸而嚴

其法

韓曰先是屬刺史俸率三萬又不時給皆取部中自衣食殘至倍其俸約不得為貪暴稍以法繩之

嶺南以口為貨其荒阻處父子相傳為奴

傳一作縛

公一禁

之有隨公之吏得無名兒蓄不言官有訟者

訟一作告

公召

殺之山谷諸黃世自聚為豪觀吏厚薄緩急或叛或從

張曰自貞元中黃洞諸蠻叛久不平

容桂二管利其虜掠請合兵討之

孫曰

元和十四年容管經略使楊旻桂管觀察使裴行立欲微幸立功爭請討上從之

莫一有功有

所指取當時天子以武定淮西河南北用事者以破諸

黃為類

一作頌

向意助之公屢言遠人急之則惜性命相

屯聚為寇緩之則自相怨恨馬況此禽獸耳

一作自相怨恨而散

此禽獸耳一作自相怨恨而散馬比禽獸耳

但可自計利害不足與論是非

天子入先言遂歛兵江西岳鄂湖南嶺南會容桂之吏以討之被霧露毒相枕藉死百無一還安南乘勢殺都

護李象古

孫曰元和十四年十月安南軍亂殺都護李象古并家屬部曲皆遇害

桂將裴

行立容將楊旻皆無功數月自死

孫曰十五年七月行立旻相繼卒。數月

一作數日嶺南噐然祠部歲下廣州祭南海廟入海口為

州者皆憚之不自奉事常稱疾命從事自代唯公歲自

常行官吏刻石為詞美之

詞一作詩嚴曰事見本集南海神廟碑云元和十二年詔

用魯國孔公為廣州刺史又云至州之明年即十三年又云明年祀歸即十四年又云明年其時公又固往即十五年也按退之以十四年貶潮州冬至袁州則十五年已移袁州矣舊史云幾每受詔自犯風波而往愈在潮州作詩美之其說蓋誤十五年遷尚書吏部侍郎

補注十五年九月遷拜

公

之北歸不載南物奴婢之籍不增一人長慶元年改右

散騎常侍二年而為尚書左丞曾祖諱務本滄州東光

令祖諱如珪海州司戶參軍贈尚書工部郎中皇考諱

岑父秘書省著作佐郎贈尚書左僕射公夫人京兆韋

氏父种大理評事有四子長曰溫質四門博士遵孺遵

憲遵裕

史作溫裕

皆明經女子長嫁中書舍人平陽路隋

祝曰

隋後官至宰相唐史有傳

其季者幼公之昆弟五人載戡戡戡

樊曰以世

系表考之巢父生載戡戡戡威戡給事中生溫質溫

孺溫憲溫裕戡昭義節度判官戡庫部員外郎以傳考

之溫裕仕為天平節度使戡京兆尹與表不同誌謂戡

兄弟五人而表又有威誌云遵孺遵憲遵裕傳云遵孺

溫裕表又悉以遵為

溫當考。戰音衛 公於次為第二公之薨戡自湖南

入為少府監

孫曰長慶元年正月戡自湖南觀察又為少府監

其年八月甲申

戡與公子塋公於河南河陰廣武原

祝曰河陰縣名屬河南

先公

僕射墓之左銘曰

孔世三十八

韓曰一本云孔世三十八三十蘇合切說文作卉俗作卅又一本云孔子世三十八

前之說則省字後之說則加字皆非文意

吾見其孫白

而長身

白一作自

寡笑與言其尚類也

一作耶

莫與之倫

祝曰倫比

也一本作莫之與倫左傳所謂莫之與京也

德則多有請考於文

唐故江南西道觀察使中大夫洪州刺史兼御史

中丞贈左散騎常侍太原王公墓誌銘

補注邵氏聞見錄曰孔子作經使後世讀易者如無春秋讀書者如無詩其法固不知也獨韓退之作王仲舒碑又作誌蘇子瞻作司馬君實行狀又作碑其事同其詞各異庶幾知之矣碑見三十一卷○一本無中大夫洪州刺史兼御史中丞

公諱仲舒字弘中

孫曰井州祈人

少孤奉其母居江南游學有

名

孫曰仲舒少客江南與梁肅楊憑游有文稱

貞元十年

嚴曰按王弘中碑云貞元初策拜左

拾遺與陽城合過裴延齡不得為相墓誌則曰貞元十年以賢良方正拜左拾遺按陸贄之貶在十一年春而陽城傳云裴延齡詭毀陸贄等坐貶黜城率拾遺王仲舒數人守延英上疏則墓誌云十年是矣

以賢

良方正拜左拾遺改右補闕禮部考功吏部三員外郎

貶連州司戶參軍改夔州司馬佐江陵使改祠部員外

郎復除吏部員外遷職方郎中知詔誥出為硤州刺史

遷廬州未至丁母憂服缺改婺州蘇州刺史

改一作除徵拜

中書舍人既至謂人曰吾老不樂與少年治文書

樂一作宜

得一道有地六七郡為之三年貧可富亂可治身安功

立無愧於國家可也日日語人丞相問問語驗即除江

南西道觀察使兼御史中丞

仲舒履歷事跡並見三十一卷碑注

至則奏

金史四八之三
卷三十三
罷摧酒錢九十萬

十或作千

以其利丐貧民

丐一作與

又罷軍吏

官債五十萬悉焚簿文書

一無文字

又出庫錢二千萬以丐

貧民遭旱不能供稅者禁浮屠

禁一作學

及老子為僧道士

不得於吾界內因出野

出一作山

去浮屠老子象

去一作立

以其

誑丐漁利奪經人之產

經一作編

在官四年數其蓄積錢餘

於庫米餘於廩朝廷選公卿於外將徵以為左丞吏部

已用薛尚書代之矣

孫曰長慶三年十一月以尚書左丞薛放代仲舒鎮江西

長慶

三年十一月十七日未命而薨年六十二天子為之罷

朝贈左散騎常侍遠近相弔以四年二月某日葬于河
南某縣先塋之側公之為拾遺朝退天子謂宰相曰第
幾人非王某邪是時公方與陽城更疏論裴延齡詐妄
士大夫重之為考功吏部郎也下莫敢有欺犯之者非
其人雖與同列未嘗比數收拾故遭讒而貶及知制誥

知一
作在

盡力直友人之屈

樊曰友人蓋楊憑憑尹京兆日
御史中丞李夷簡劾憑江西姦

賊貶臨賀尉云
○屈一作寃

不以權臣為意又被讒而出元和初娶

州大旱人餓死戶口亡十七八

一無
口字

公居五年

一無
公字完

富如初按劾羣吏奏其贓罪州部清整加賜金紫其在

蘇州治稱第一公所至輒先求人利害廢置所宜閉閣

草奏又具為科條與人吏約事備悉一旦張下民莫不

抃叫喜悅或初若小煩旬歲皆稱其便公所為文章無

世俗氣其所樹立殆不可學曾祖一有玄暎音簡比部員

外郎祖諱景肅丹陽太守考諱某一作襄鄧等州防禦

使鄂州採訪使贈工部尚書工一作吏公先妣渤海李氏贈

渤海郡太君公娶其舅女有子男七人初哲貞弘泰復

洄初進士及第哲文學俱善其餘幼也長女壻劉仁師

高陵令

孫曰仁師字行與彭城人武德名臣刑部尚書德威之五世孫大厯中詩人商之猶子劉禹錫

嘗為仁師撰

次女壻李行修

孫曰元和四年行修登第〇一作行循

尚書

刑部員外郎銘曰

氣銳而堅

一作

又剛以嚴

又

哲人之常

哲

愛人盡

已不倦以止

止

乃吏之方與其友處順若婦女何德

之光墓之有石我最其迹

最

萬世之藏

唐故殿中少監馬君墓誌

此篇後闕

君諱繼祖

樊曰繼祖始生德宗賜名退而笑曰是有二義謂之索繫組事見國史補

司徒贈

太師北平莊武王之孫

補注王名燧字問美

少府監贈太子少傅

諱暢之子

樊曰燧二子彙暢暢娶盧氏生二子長教次繼祖集注按傳燧贈太傅此云贈太師暢贈

工部尚書公元和九年為其夫人作墓誌亦云贈工部尚書此云贈太子太傅豈其後累贈至此耶

生四

歲以門功拜太子舍人積三十四年五轉而至殿中少

監年三十七以卒有男八人女二人始余初冠

孫曰貞元三年

二十年

應進士舉在京師窮不能自存以故人稚弟

樊曰貞元

三年平涼之盟馬燧預議韓奔時以殿中侍御史為判官死焉其年罷兵燧奉朝請京師奔公之兄也

拜

北平王於馬前王問而憐之因得見於安邑里第王軫

其寒飢

補注軫
憐閔也

賜食與衣

祝曰表記君子問人之寒則
衣之問人之飢則食之○食

音嗣衣
去聲

召二子使為之主其季遇我特厚少府監贈太

子少傅者也姆抱幼子立側

祝曰姆女師也儀禮姆纒
笄宵衣在其右注姆婦人

年五十無子出而不復嫁能以婦道教人
者若今時乳母矣○姆莫捕切又莫豆切

眉眼如畫髮

漆黑肌肉玉雪可憐

洪曰可憐舊作可念按妬記云王
丞相於青踈臺中觀有兩三兒騎

羊皆端正可念黃魯直
亦嘗用玉雪可念語

殿中君也當是時見王於北亭

猶高山深林

一有鉅
谷二字

龍虎變化不測傑魁人也

補注謂
莊武王

燧燧身長六尺二寸

退見少傅翠竹碧梧鸞鶴停峙

孫曰謂猶鸞鶴停於竹梧

之能守其業者也

補注少傅暢

幼子娟好靜秀瑤環瑜珥蘭

茁其芽

祝曰茁草初生貌詩彼茁者茁○茁鄒滑切又側劣切

稱其家兒也後四

年吾成進士

樊曰公貞元八年登第

去而東游哭北平王於客舍

樊曰十一年五月公東歸河陽八月燧卒

後十五六年吾為尚書都官郎分

司東都而少傅卒哭之

樊曰元和五年暢卒自貞元十一年至是凡十六年○而下一

有分府二字

又十餘年至今哭少監焉

孫曰長慶初年繼祖卒

嗚呼吾

未耄老自始至今未四十年而哭其祖子孫三世于人

世何如也人欲久不死而觀居此世者何也

一作
即

五百家注昌黎文集卷三十三

欽定四庫全書

五百家注昌黎文集卷三十四

宋 魏仲舉 編

墓誌銘

南陽樊紹述墓誌銘

樊曰紹述卒且墓誌皆無年月或法不必載也按紹述作絳守居園池記乃長慶三年五月十七日而公卒以四年十二月則疑在長慶三四年間○補注後山詩話歐陽謂退之為樊宗師墓誌便似樊文其始出於司馬子長為長卿傳如其文惟其過之故兼之也

樊紹述既卒且葬

孫曰紹述河中人

愈將銘之從其家求書

從

作促得書號魁紀公者三十卷曰樊子者

一無者字

又三十卷

春秋集傳十五卷表牋狀策書序傳記紀誌說論今文

讚銘

一無紀字

凡二百九十一篇道路所遇及器物門里雜

銘二百二十賦十詩七百又十九

樊曰今以藝文志考之皆有其目獨銘賦

詩亡馬所謂表牋狀策等文凡二百九十一篇曰樊宗師集二百九十一卷數同而以卷為篇疑誌之字誤也

○一本又字作一

曰多矣哉古未嘗有也然而必出於已不蹈

襲前人一言一句又何其難也

洪曰國史補云元和之後文筆則學奇於韓愈

學滋於樊宗師退之作樊墓誌稱其為文不剽襲觀絳守居園池記誠然亦太奇滋矣本朝王晟劉忱皆為之

注解如瑤翻碧斂鬼眼傾耳等語皆前人所未道也補

注歐陽公跋絳守居園池記云元和文章之盛極矣其

奇怪至於如此又詩曰嘗聞紹述絳守居偶來登覽周

四隅異哉樊子怪可吁心欲獨去無古初窮荒探幽入

無有一語詰曲百盤紆執云已出必出入仁義其富若

不剽襲句斷欲學盤庚書云云

生蓄萬物必具海含地負負載也放恣縱橫縱子容切無所統

紀然而不煩於繩削而自合嗚呼紹述於斯術其可謂

至於斯極者矣生而其家富貴長而不有其藏一錢妻

子告不足顧且笑曰我道蓋是也孫曰言蓋如是也皆應曰然

子告不足顧且笑曰我道蓋是也孫曰言蓋如是也皆應曰然

無不意滿嘗以金部郎中告哀南方

樊曰元和十五年正月憲宗崩宗師

以金部郎中告哀南方

還言某帥不治罷之以此出為綿州刺史

一無出字一年徵拜左司郎中又出刺絳州綿絳之人至今

皆曰於我有德以為諫議大夫命且下

一作命且日下

遂病以

卒

一作遂以病卒

年若干紹述諱宗師父諱澤

孫曰澤字安時

嘗帥襄

陽江陵官至右僕射贈某官

孫曰興元元年正月樊澤為山南東道節度使貞元

二年閏五月徙鎮荆南八年二月自荆南復為山南東道節度使十二年加檢校右僕射十四年九月卒于鎮

贈司空祖某官諱泳

樊曰泳試大理評事累贈兵部尚書

自祖及紹述三世

皆以軍謀堪將帥策上第以進

孫曰開元中詠舉草澤科建中元年澤舉賢良

方正直言極諫科元和三年四月宗師舉軍謀宏遠堪任將帥科

紹述無所不學於辭

於聲

補注聲樂也下言觀樂是已

天得也

一作天一地得也

在衆若無能者嘗

與觀樂問曰何如曰

一有某字

後當然已而果然銘曰

惟古於詞必已出降而不能乃剽賊

賊一作脫

後皆指前公

相襲

孫曰公然相襲

後漢迄今用一律寥寥久哉莫覺屬神徂

聖伏道絕塞

祝曰徂往也

既極乃通發紹述文從字順各識

職有欲求之此其躅

故中大夫陝府左司馬李公墓誌銘

公諱邦

薄經反

字某雍王會之後

孫曰會當作繪太祖景皇帝之第五子也為隋

夏州總管○
雍於衆反

王孫道明唐初以屬封淮陽王又追王其

祖父

追王之王
字音旺

曰雍王長平王

孫曰繪子贊贊子道玄
武德元年六月封道玄

淮陽王追封繪曰
雍贊為河南王

淮陽生景融

孫曰五年十月道玄與
黑闥戰於下博道玄戰

沒無嗣以其弟道明嗣為淮陽王終鄆州刺史
生景融○一本作長生淮陽王淮陽王生景融

景融親

益疎不王生務該務該生思一思一生岌

魚及切

比四世

官不過縣令州佐然益讀書為行為士大夫家岌為蜀

州晉原尉生公未晬以卒

祝曰子生一歲曰晬說文周年也○晬祖對切

無家

母抱置之姑氏以去姑憐而食之

嗣食音

至五六歲

孫曰邦天

寶八年生

自問知本末因不復與羣兒戲常默默獨處曰吾

獨無父母不力學問自立不名為人年十四五

一無年字

能

閣記論語尚書毛詩左氏文選凡百餘萬言凜然殊異

姑氏子弟莫敢為嬌

一作啟

浸傳之聞諸父

一作浸傳聞之諸父

諸

父泣曰吾兄弟尚有子邪迎歸而坐問之應對橫從無

難

從音蹤

諸父悲喜顧語羣子弟曰

語一作謂

為汝得師

一作吾為

汝得師

於是縱學無不觀以朝邑員外尉選

孫曰選謂選於吏部魯

公真卿

樊曰魯郡顏真卿為吏部侍郎

第其所試文為上等

孫曰試書判拔萃為

上等擢為同官正尉曰文如李尉乃可望此其後比以書

判拔萃選為萬年尉為華州錄事叅軍爭事於刺史去

官為陸渾令河南尹鄭餘慶薦之朝

孫曰元和十年十月鄭餘慶為河南

尹拜南鄭令

補注南鄭興元屬縣疑此處有脫誤

尹家奴以書抵縣請事

公走府出其書投之尹前尹慙其庭中人曰令辱我令

辱我

一無上三字

且曰令退遂怨之拾掇三年無所得拜宗

正丞宰相以文理白為資州刺史公喜曰吾將有為也

讒宰相者言之上曰是與其故故得用改拜陝州左司

馬

孫曰陝虢節度使
衛中行辟佐其府

公又喜曰是官無所職吾其不以

吏事受責死矣長慶元年某月丙辰

俗本無
某月字

以疾卒春

秋七十三公內外行完潔白奮厲再成有家士大夫談

之夫人博陵崔氏朝邑令友之之女其曾伯父玄暉有

功中宗時

樊曰長慶四年六月玄暉為鳳閣侍郎同平
章事神龍元年正月率羽林兵誅張易之昌

宗迎太子監
國是為中宗

夫人高明遇子婦有節法進見侍側肅如

也七男三女邠為澄城主簿其嫡激廊城令放芮城尉

漢監察御史

樊曰漢字南紀元和七年進士時為監察御史終於宗正少卿

澹洸潘

集注

澹字經野洸字正武潘字子及○澹音產洸音光

皆進士

樊曰舊史漢弟澹洸潘皆登進士第潘大

中初為禮部侍郎

及公之存內外孫十有五人五月庚申葬華

陰縣東若干里漢韓氏壻也

補注漢即公壻

故予與為銘其詞

曰

愈下而微既極復飛其自公始公多孫子將復其祀

其一

廟作

故幽州節度判官贈給事中清河張君墓誌銘

樊曰張徹為范陽府監察御史其帥張弘靖也誌不出弘靖姓名但書曰帥諱之焉耳

張君名徹字某以進士

祝曰徹中進士第在元和四年

累官至范陽府監

察御史長慶二年今牛宰相為御史中丞

祝曰元和十五年十二月

牛僧孺為御史中丞

奏君名迹中御史選詔即以為御史其府惜

不敢留遣之而密奏幽州將父子繼續不廷選且久今

新收臣又始至

孫曰長慶元年二月幽州節度使劉總請去位三月以總為太平軍節度使以

宣武軍節度使張弘靖為幽州節度使代總

孤怯須強佐乃濟發半道有詔

以君還之乃遷殿中侍御史加賜朱衣銀魚至數日軍亂怨其府從事盡殺之而囚其帥且相約張御史長者

毋侮辱轢感我事

歷

無罪無庸殺置之帥所居

樊曰長慶

元年七月幽州軍亂四節度使張弘靖於薊門館殺判官韋雍張宗元崔仲卿鄭頊都虞候劉操押牙張抱元等取朱滔子洄為畱後以徽長者不殺置之於薊門館月餘聞有中貴人自京師

至君謂其帥公無負此土人上使至可因請見自辯幸得脫免歸即推門求出守者以告其魁魁與其徒駭曰必張御史御史忠義必為其帥告此餘人不如遷之別

館即與衆出君

與一作以

君出門罵衆曰汝何敢反前日吳

元濟斬東市昨日李師道斬於軍中

孫曰元和十二年十一月元濟斬於

獨柳樹十四年二月師道為其兵馬使劉悟所殺

同惡者父母妻子皆屠死肉

餒狗鼠鴟鴞

樊曰新史書徹事大抵出公此誌其所書罵賊語凡削六字改一字筆削固史氏事

然而改餒為飽則不若公語且有來處此前漢陳餘所謂以肉餒虎也

汝何敢反汝何敢

反行且罵衆畏惡其言不忍聞且虞生變即繫君以死

君抵死口不絕罵衆皆曰義士義士或收瘞之以俟事

聞天子壯之贈給事中其友侯雲長佐鄆使請於其帥

馬僕射

補注鄆曹濮節度使馬總也

為之選於軍中得故與君相知

張恭李元實者使以幣請之范陽范陽人義而歸之以

聞詔所在給船輦

音預

傳歸其家賜錢物以葬長慶四年

一作三年

四月某日其妻子以君之喪葬於某州某所君弟

復亦進士

孫曰元和元年復中進士

佐汴宋得疾變易喪心驚惑不

常君得間即自視衣褥薄厚節其飲食而七筋進養之

一無養字

禁其家無敢高語出聲醫餌之藥其物多空青雄

黃

嚴曰空青山出銅處銅精薰則生空青腹中空如楊梅者勝雄黃出武都山塊方數寸明徹如雞冠者佳

諸竒怪物刺錢至數十萬營治勤劇皆自君手不假之

人家貧妻子常有飢色祖踐某官父休某官妻韓氏禮

部郎中某之孫

祝曰雲
卿之孫

汴州開封尉某之女

祝曰俞
之女

於

余為叔父孫女君常從余學選於諸生而嫁與之孝順

祇修羣女效其所為男若干人曰某女子曰某銘曰

嗚呼徹也世慕顧以行子揭揭也

揭音
羯

噎暗以為生

噎

結切暗
於金切

子獨割也為彼不清作玉雪也仁義以為兵用

不折缺也知死不失名得猛厲也

厲嚴也○厲
協韻音烈

自申於

金定四庫全書
卷三十四
闇明莫之奪也我銘以貞之不肖者之坦也。坦相呵也。坦音恒。

故河南府法曹參軍盧君夫人墓誌銘

補注公室盧氏之

母夫人苗氏也

夫人姓苗氏諱某字其上黨人

孫曰上黨長子縣人

曾大父襲夔

贈禮部尚書大父殆庶贈太子太師

樊曰以宰相世系考之襲夔生殆庶

延嗣殆庶生如蘭晉鄉襲夔殆庶所贈官疑晉鄉仕至宰相而贈也

父如蘭仕至太子司

議郎汝州別駕

樊曰此云別駕而表云永王府諮議參軍當以此為正

夫人年若

干嫁法曹盧府君

一作嫁范陽盧府君下再有府君二字

諱貽有文章德行

其族

言盧氏之族

世所謂甲乙者卒先夫人夫人能配其賢

歿能守其法男二人於陵渾女三人皆嫁為士妻

韓曰夫人

長女壻河南緄氏主簿唐充次亡公其季女壻也

貞元十九年四月四日卒於

東都敦化里年六十有九其年七月某日

七月一作八月祔於

法曹府君墓在洛陽龍門山其季女壻昌黎韓愈為其

誌銘

其一作之

其詞曰

赫赫苗宗族茂位尊或毗於王或貳於藩是生夫人

一是

作載穆令聞爰初在家孝友惠純享乃于行

一作乃及于行克

媿德門

媿匹詣切
克一作光

肅其禮容

一作為禮
一作禮瞿

裕其為仁法曹

之終諸子實幼煢煢其哀介介其守循道不違厥聲彌

邵

一作既克其
家厥聞愈邵

三女有從二男知教閭里歎息母婦思

倣歲時之嘉嫁者來寧累累外孫

累力追切
本作累累

有攜有

嬰扶牀坐膝嬉戲謹爭既壽而康既備而成不歎于約
不矜于盈伊昔淑哲或圖或書嗟咨夫人孰與為儔刻

銘寘墓

寘一作誌

以贊碩休

故貝州司法參軍李君墓誌銘

韓曰叅軍李翱習之之祖習之嘗自為其皇祖實錄其行治皆如誌所書翱之實錄終曰先祖有美而不知不明也知而不傳不仁也翱欲傳懼文章不足以稱頌道德光耀來世是以頌首欲假辭於執事者亦惟不斥其愚而為之傳焉意翱乞公銘之辭也

貞元十七年九月丁卯隴西李翱合葬其皇祖考貝州

司法叅軍楚金皇祖妣清河崔氏夫人

孫曰夫人父球充郾懷三州刺

史于汴州開封封縣某里昌黎韓愈紀其世著其德行以

識其葬其詞曰

由涼武昭王六世至司空

孫曰涼武昭王名嵩字玄威晉安帝時自稱西涼公在位

十七年子翻字士舉位車騎將軍祁連酒泉晉昌太守
翻子寶字懷素鎮北將軍寶子冲字思順後魏後文時

封清淵縣侯卒贈司空冲曷曾孫也
今云六世誤矣凉一作梁者非是
司空之後二世為

刺史清淵侯
孫曰冲子延實字禧都督青州刺史延實
子彬字子儒襲祖爵清淵縣侯卒贈齊州

刺史子桃
枝襲封
由侯至于貝州凡六世
孫曰桃枝玄孫詔諧
識參軍詔子楚金

一作
五世其德行曰事其兄如事其父其行不敢有出焉
曰孫

楚金伯兄惟慎楚金事之如父在每事必請惟慎曰汝
年亦長矣每事必擾我何為楚金曰不請非不能為此

也不滿乎人心其
請如初見實錄
其夫人事其姒如事其姑
孫曰姒惟
慎之妻鄭

也○一
作姊非
其於家不敢自專焉其在貝州其刺史不悅於

民

悅一作慈嚴曰李習之皇祖實錄云刺史嚴正晦

將去官民相率謹譁手瓦

石

一有而字

胥其出擊之

一本胥作需無其字

刺史匿不敢出州縣吏

由別駕已下不敢禁司法君奮曰是何敢爾屬小吏百

餘人持兵杖以出立木而署之曰刺史出民有敢觀者

殺之木下民間皆驚相告散去

樊曰實錄貝州刺史嚴正晦黜官百姓舊不樂

其政將俟其出斃之以瓦石錄事參軍謂楚金曰若之何楚金請攝錄事參軍乃如之楚金於是集小吏百餘人皆持兵無兵者皆持楮理長木道中令曰使君出百姓敢有出觀杖殺大木下及正晦出百姓莫敢動

刺史至加禮擢任貝州由是大理

樊曰後刺史至委政楚金姦吏皆務情告

貝州於
是大治

其墓曰翺既遷貝州君之喪于貝州

于貝州一
本無貝字

一本無
州字

殯于開封遂遷夫人之喪于楚州八月辛亥至

于開封壙于丁巳

補法說文
云壙塹穴

墳于九月辛酉窆于丁卯

補注說文窆下棺也周禮
及窆執斧是也。窆彼驗切

人謂李氏世家也侯之五

世仕不遂

一無五字。一作仕不遷遂

蘊必發其起而大乎四十年

而其兄之子衡

孫曰惟慎子五人衡其第二子也貞元
七年自常州刺史鎮湖南八年徙鎮江

西召為
給事中

始至戶部侍郎君之子四人官又卑翺其孫也

有道而甚文固於是乎在

樊曰甚文字出左傳楚子西
曰光又甚文觀翺實錄亦可

見其甚文矣魯直詩云習之實錄堇皇祖
斯文如女有正色云云。一本無固字

處士盧君墓誌銘

韓曰公前銘盧君夫
人此又銘其子於陵

處士

一本有
盧君字

諱於陵其先范陽人父貽為河南法曹叅

軍河南尹與人有仇誣仇與賊通收掠取服法曹曰我

官司也我在不可以為是廷爭之以死河南怒命牽梓

之

祝曰梓繫也
梓昨莫切

法曹爭尤強遂并收法曹竟奏殺仇籍

其家而釋法曹法曹出徑歸卧家念河南勢弗可敗氣

憤弗食歐血卒東都人至今猶道之處士少而孤母夫

人憐之

孫曰貽娶苗氏太師晉卿兄如蘭之女有子二人於陵渾女三人長嫁唐充幼適公讀書

學文皆不待彊教卒以自立在母夫人側油油翼翼不

忍去時歲母夫人既終

孫曰貞元十九年四月四日苗氏卒年六十九

育幼弟

與歸宗之妹經營勤甚未暇進仕也年三十有六元和

二年五月壬辰以疾卒有男十歲曰義女九歲曰孟有

女生處士卒後未名於其年九月乙酉其弟渾以家有

無塋以車一乘

一作十

於龍門山先人兆愈於處士妹壻

也為其誌且銘其後曰

貴兮富兮如其材得何數兮名兮壽兮如其人豈無有
兮彼皆逢其臧子獨迎其凶茲命也耶茲命也耶

故太學博士李君墓誌

太學博士頓丘李干

一本作干下同

余兄孫壻也年四十八

孫曰

干大歷元年生

長慶三年正月五日卒其月二十六日穿其妻

墓而合葬之在某縣某地子三人皆幼初干以進士

樊曰

元和十年干中進士第年四十

為鄂岳從事

樊曰十一年李道古為鄂岳觀察使辟干為從事

遇方士柳賁

一作必

彼受藥法服之往往下血比四年病

益急乃死其法以鈇滿一鼎

孫曰說文鈇青金也一曰錫之類

按中為

空

按字上一有以物二字

實以水銀蓋封四際燒為丹沙云余不

知服食說自何世起殺人不可計而世慕向之益至此

其惑也在文書所記及耳聞傳者

耳聞一作耳相聞

不說今直

取目見親與之游而以藥敗者六七公以為世誠工部

尚書歸登

孫曰登字冲之元和十四年六月為工部尚書

殿中侍御史李虛中

補注虛中字常容

刑部尚書李遜

孫曰遜字友道長慶三年正月拜刑部尚書

遜弟

刑部侍郎建

補注建
字杓直

襄陽節度使工部尚書孟簡

孫曰
簡字

幾道元和十三年五月為山

南東道節度使加工部尚書

東川節度御史大夫盧坦

孫曰坦字保衡元和八年五月

除東川節度使兼御史大夫

金吾將軍李道古此其

人皆有名位世所共識工部既食水銀得病自說若有

燒鐵杖自顛貫其下者摧而為火射竅節以出狂痛號

呼乞絕其裯席得水銀

一作其茵席
嘗得水銀

發且止唾血十數

年以斃

孫曰元和十五年六月登卒

殿中疽發其背死

孫曰元和八年六月虛中

刑部且死謂余曰我為藥誤

孫曰長慶六年正月遷卒

其季建一

且無病死

孫曰長慶元年二月建卒

襄陽黜為吉州司馬

孫曰元和十五年三月

月簡賧吉

余自袁州還京師

樊曰是歲九月公自袁召還為國子祭酒

襄陽

乘舸邀我於蕭州屏人曰我得秘藥不可獨不死今遺

子一器可用棗肉為丸服之別一年而病有家至

一作有其

家人

至訊之曰前所服之藥誤方且下之下則平矣病二歲

竟卒

孫曰長慶三年十二月簡卒

盧大夫死時溺出血肉痛不可忍

乞死及金吾以柳賁得罪食賁藥五十死海上

樊曰道古因皇

甫錡薦柳賁于憲宗賁治丹劑憲宗服之遽棄萬國穆宗即位以賁付京兆府決死道古賧循州司馬元和十

年九月亦以藥死貶所

此可以為誡者也

嚴曰后山詩話云退之為李干誌叙當世名貴

服金石藥欲生而死者數輩著之石藏之地下此特為一世誠耶而竟藥死故白傳云退之服硫黃一病竟不

痊是也

斲不死乃速得死謂之智不可也五穀三牲

補注

下文云豚魚雞是也

鹽醢果蔬人所常御人相厚勉必曰強食今

惑者皆曰五穀令人夭不能無食當務減節鹽醢以濟

百味豚魚雞三者古以養老反曰是皆殺人不可食一

筵之饌禁忌十常不食二三不信常道而務鬼怪臨死

乃悔後之好者又曰彼死者皆不得其道也我則不然

始病曰藥動故病去藥行乃不死矣及且死又悔嗚

呼可哀也已可哀也已

補注孔毅夫雜說云張籍哭退之詩云為出二侍女合彈琵琶

箏白樂天思舊詩云退之服硫黃一病竟不痊退之嘗譏人不解文字飲而自敗於女妓耶作李博士墓誌戒人服金石藥而自餌硫黃耶又後山嗟哉行亦云韓子作誌還自屠白笑未竟人復吁正謂此耳

五百家注昌黎文集卷三十四

欽定四庫全書

五百家注昌黎文集卷三十五

宋 魏仲舉 撰

墓誌

盧渾墓誌銘

韓曰渾河南法曹參軍第二子
而公妻弟也然有銘無誌焉

前汝父母右汝弟兄

一作後
有弟兄

汝從之居視汝如生汝遷

於居今日月之良汝居孔固兮後無有殃如不信兮視

此銘章

號州司戶韓府君墓誌銘

注詳本篇

安定桓王五世孫叡素為桂州刺史

嚴曰新史云弓高侯顏當裔孫尋後

漢隴西太守世居潁川生司空稜其後居徙安定武安後魏有常山太守武安成侯耆徙居九門生茂尚書令征南大將軍安定桓王二子備均均生暎暎生仁泰仁泰生叡素樊曰唐史世系表及李太白武昌宰韓君去思碑並云叡素桂州長史皇甫持正誌公墓及神道碑俱同而此云刺史其字誤矣 化行南方有

子四人最季曰紳卿文而能官嘗為揚州錄事叅軍

注集

桂州四子仲卿少卿雲卿紳卿也李太白碑亦言桂州君四子名諱長少皆與此誌合獨世系表云桂州君七

子無少卿而有晉卿季卿子卿升卿表以晉卿為長而
碑以仲卿為元子表作升卿最季而誌作紳卿誌又云
嘗為揚州錄事叅軍而表云京兆府司錄叅軍公仙卿
之子而紳卿姪也寧有叙其家世而故誤耶當以誌為

正 事故宰相崔圓

孫曰上元元年二月以崔圓為揚州大都督府長史淮南節度使

圓

狎愛州民丁某至顧省其家後大衙會日司錄君趨以
前大言曰請舉公過公與小民狎至其家害於政圓驚

謝曰錄事言是圓實過乃自署罰五十萬錢由是遷涇

陽令破豪家水碾

奴箭切

利民田頃凡百萬君諱岌桂州

君之孫司錄君之子亦以能官名少而奇壯而強老而

通以元和元年六月十四日卒年五十七娶京兆田氏
男曰家女曰都皆幼初君樂號之土田山水求掾其州
去官猶家之既卒因以其年九月某日葬於州北十里
崔長史墓西銘曰

凡兆于茲唯其家之材蓋歸有時

洪曰疑
有闕文

四門博士周況妻韓氏墓誌銘

韓曰此誌及張徹誌皆以韓俞為
開封尉唐宰相表以為今史誤也

四門博士周況妻韓氏諱好好尚書禮部郎中諱雲卿

之孫開封尉諱俞之女俞妻趙氏生二女

樊曰二女長即况妻次嫁

張

三男

樊曰三男無競啓餘州來並世系表

開封卓越豪縱不治資業喜

酒色狗馬趙氏卒十一年而開封亦卒開封從父弟愈

孫曰公父仲卿即雲卿之兄也○一本無弟字

於時為博士乞教東都生以收

其孳於開封界中教畜之而歸其長女於周氏况

樊曰元和

元年况中進士第是歲公以好好適况

况進士家世儒者曾祖諱延潭州

長沙令祖諱晦常州叅軍父諱良甫左驍衛兵曹叅軍

况立名行人士譽之韓氏嫁九年生一男一女年二十

七以疾卒

孫曰貞元六年好好生至是元和十一年卒年二十七

葬長安城南鳳

栖原其從父愈

一作其從父弟愈

於時為中書舍人

孫曰是歲正月公為

中書舍人五月降為右庶子

為銘曰

夫喪少婦子失壯母歸咎無處

韓滂墓誌銘

樊曰世系表老成二子相大理丞滂寶雖丞按此誌云滂年十九死蓋未嘗仕也表復誤矣

滂韓氏子其先仕魏號安定桓王

孫曰王名茂滂九世祖也

滂父老

成

孫曰老成公兄介之子

厚謹以文為韓氏良子弟未仕而死有

二子

祝曰
湘滂

滂其季也其祖諱介為人孝友一命率府軍

佐以卒二子百川老成老成為伯父起居舍人後

祝曰
舍人

名起居有德行言詞為世軌式

軌一
作範

滂既兄弟二人而

率府長子百川死無嗣其叔祖愈命滂歸後其祖滂清

明遜悌以敏讀書作文

作一
作倍

功力兼人為文詞一旦竒

偉驟長不類舊常吾曰爾得無假人耶退大喜謂其兄

湘曰某違翁且踰年懼無以為見今翁言乃然可以為

賀羣輩來見皆曰滂之大進不唯於文詞於為人亦然

既數月

一作日

得疾以卒年十九矣

孫曰滂貞元十八年生

吾與妻

孫曰公妻高平君盧氏

哭之傷心三日而斂既斂七日權葬宜春

郭南里

孫曰宜春袁州滂從公量移袁州刺史元和十五年卒。一本作郭南一里

嗚呼其

可惜也已銘曰

天固生之耶

一作天固生耶一作天生之耶

偶自生耶天殺之耶其偶

自死耶莫不歸於死壽何少多銘以送汝其悲奈何

女孥壙銘

韓曰公貶潮州孥道死商南層峯驛瘞之山下至是尹京兆乃發其喪歸葬于河陽世墓之次

女孥

音如又切

韓愈退之第四女也惠而早死愈之少為

秋官

孫曰元和十二年十月公為刑部侍郎

言佛夷鬼其法亂治梁武事

之卒有侯景之敗可一掃刮絕去不宜使爛漫天子謂

其言不祥斥之潮州南海揭陽之地

孫曰十四年正月公上佛骨表坐貶

潮州其地在漢南海之揭陽

愈既行有司以罪人家不可畱京師迫

遣之女孥年十二在病

一作病在席

既驚痛與其父訣又輿

致

又一作父

走道撼頓失食飲節死于商南層峯驛即瘞道

南山下五年愈為京兆

孫曰長慶三年六月公為京兆尹

始令子弟與

其姆易棺衾歸女孥之骨於河南之河陽韓氏墓而葬
之女孥死當元和之十四年二月二日其發而歸在長
慶三年十月之四日其葬在十一月之十一日銘曰

汝宗塋于是

孫曰韓氏之
先皆塋河陽

汝安歸之惟永寧

河南緱氏主簿唐充妻盧氏墓誌銘

夫人盧氏諱某蘭陵太守景柔八世孫

孫曰景柔為蘭
陵太守南州刺

史景柔
子元幹

父貽卒河南法曹法曹娶上黨苗氏太師晉卿

兒女

孫曰晉卿兄如蘭之
女詳見苗夫人誌

生三女三男夫人最長法曹

卒苗夫人嫁之唐氏充充明經宰相休憬曾姪孫

孫曰長慶

三年七月以休憬同平章事四年八月罷神龍元年四月復相二年三月罷景龍三年十二月復相景雲元年

七月復罷出郟氏外王父昂中書舍人夫人年若干嫁唐氏

凡生男與女九人年四十二元和四年正月二十二日

卒其年四月十五日葬河南府河南縣之大石山下銘

曰

夫人本宗世族之後率其先猷令德是茂爰歸得家

爰

作奚歸一作其

九子一母婉婉有儀柔靜以和命不侔身茲其

奈何刻銘墓石以告觀者

乳母墓銘

樊曰唐志義服有為乳母報者其服
肥麻韓曰葬乳母且為之銘自公始

乳母李氏徐州人號正真為韓氏家乳其兒愈為于偽切愈

生未再周月孤失怙恃孫曰大歷三年公生五年而公
父仲卿卒此云未再周月孤失

怙恃未詳嚴曰退之祭嫂鄭夫人云我生不辰三歲而
孤此言未再周月孤失怙恃是雖入三歲而未及兩周

也李氏憐不忍棄去視保益謹遂老韓氏及見其所乳

兒愈舉進士第韓曰公第在
貞元八年歷佐汴徐軍入朝為御史

國子博士尚書都官員外郎河南令娶婦生二男五女
時節受慶賀愈輒率婦孫列拜進壽年六十四元和六
年三月十八日病卒三日塋河南縣北十五里愈率婦
孫視窆封祝曰窆下棺也且刻其語于石語一作誌納諸墓
為銘一有矣字



五百家注昌黎文集卷三十五